



Broj: 05/7-50-13-218-40/18

Sarajevo, 31. 8. 2018.

Z A P I S N I K

40. sjednice Vijeća nacionalnih manjina BiH, održane 30. 8. 2018.

Sjednica Vijeća nacionalnih manjina BiH počela je u 12 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević, druga zamjenica predsjedavajućeg Vijeća nacionalnih manjina BiH, Jakob Finci, Marija Grbić, Dejan Piotrovski, Jovanka Manzalović-Šalaka, Dragan Marković, Velibor Kuvač, Todorka Jovanović, Vjeročka Gajić, Silvija Vujović, Nedžad Jusić, Davor Ebner, Hakan Varan i Mladen Radmilović.

Sjednici nisu prisustvovali Halil Bicaj i Eva Pašić-Juhas.

Sjednici su, također, prisustvovali: Aleksandra Jarić, predstavница Ministarstva za ljudska prava i izbjeglice BiH, Zoran Brkić iz Sektora za odnose s javnošću Parlamentarne skupštine BiH, Aida Kreho, sekretar Zajedničke komisije za ljudska prava, i Branislava Vignjević, stručna savjetnica u Zajedničkoj komisiji za ljudska prava.

Za sjednicu je predviđen slijedeći

D N E V N I R E D

1. Usvajanje Zapisnika 39. sjednice Vijeća nacionalnih manjina BiH;
2. Razmatranje Izvještaja i zaključaka s prvog zajedničkog sastanka svih vijeća nacionalnih manjina u BiH;

3. Razmatranje Plana posjeta općinama/gradovima u BiH;
4. Razno:
 - Informacija o odgovoru Ministarstva pravde BiH u vezi s aktom Vijeća nacionalnih manjina BiH, broj: 05/7-50-13-218-38/18,
 - Informacija o službenoj posjeti Mađarskoj.

Tokom rasprave o prijedlogu dnevnog reda Nedžad Jusić predložio je da se pod tačkom Razno dobije usmena informacija predstavnice Ministarstva za ljudska prava i izbjeglice BiH o rezultatima javnog poziva u pogledu dodjele grant sredstava.

Prijedlog je jednoglasno usvojen, te su članovi jednoglasno prihvatili slijedeći

DNEVNI RED

1. Usvajanje Zapisnika 39. sjednice Vijeća nacionalnih manjina BiH;
2. Razmatranje Izvještaja i zaključaka s prvog zajedničkog sastanka svih vijeća nacionalnih manjina u BiH;
3. Razmatranje Plana posjeta općinama/gradovima u BiH
4. Razno:
 - Informacija o odgovoru Ministarstva pravde BiH u vezi s aktom Vijeća nacionalnih manjina BiH, broj: 05/7-50-13-218-38/18,
 - Informacija o službenoj posjeti Mađarskoj,
 - Informacija Ministarstva za ljudska prava i izbjeglice BiH o rezultatima raspodjele grant sredstava.

Ad. 1. Usvajanje Zapisnika 39. sjednice Vijeća nacionalnih manjina BiH

Članovi Vijeća nacionalnih manjina **jednoglasno su usvojili** Zapisnik 39. sjednice.

Ad. 2. Razmatranje Izvještaja i zaključaka s prvog zajedničkog sastanka svih vijeća nacionalnih manjina u BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Član Vijeća Nedžad Jusić iznio je dilemu da li su sve osobe navedene u tom dokumentu u pisanoj formi dostavile prijedloge zaključaka, pa je u tom smislu zatražena i dodatna provjera Prijedloga izvještaja od zaposlenih u Uredu Zajedničke komisije za ljudska prava.

Nakon rasprave, članovi Vijeća **jednoglasno su prihvatili** Izvještaj prvog zajedničkog sastanka svih vijeća nacionalnih manjina u BiH, te zadužili zaposlene u Uredu Zajedničke komisije za ljudska prava da dodatno provjere spisak dostavljenih zaključaka i njihovih predlagača.

Nedžad Jusić, Jovanka Manzalović-Šalaka, Jakob Finci, Mladen Radmilović, Velibor Kuvač i Andrija Svatok učestvovali su u raspravi o zaključcima s prvog zajedničkog sastanka svih vijeća nacionalnih manjina u BiH, posebno o zaključcima 3. i 4. koji glase: „Potrebno je, što hitnije, pristupiti izradi kriterija za izbor i imenovanje članova vijeća nacionalnih manjina u BiH, te će tema narednog zajedničkog sastanka biti 'Kriteriji za izbor i imenovanje članova vijeća nacionalnih manjina na svim nivoima vlasti u BiH'“ i „Zadužuju se vijeća nacionalnih manjina na svim nivoima vlasti u BiH da do 1. novembra 2018. godine izrade prijedloge kriterija za izbor članova vijeća nacionalnih manjina u BiH i dostave ih drugim vijećima nacionalnih manjina“.

Nakon rasprave, **jednoglasno je prihvaćen prijedlog** Jakoba Fincija i Velibora Kuvača da se svim članovima Vijeća nacionalnih manjina dostave prethodno razmatrani kriteriji za izbor i imenovanje članova u vijeća nacionalnih manjina. Na osnovu tih kriterija, svi članovi Vijeća mogu do 20. 9. 2018. dostaviti svoje dodatne prijedloge o kojima će se raspravljati i glasati na narednoj sjednici Vijeća.

Ad. 3. Razmatranje Plana posjeta općinama/gradovima u BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Konstatirano je da su, u skladu sa zaduženjima s 39. sjednice Vijeća, Plan posjete općinama i gradovima i procjenu potrebnih finansijskih sredstava dostavili Dragan Marković, Andrija Svatok i Marija Grbić. U raspravi koja je uslijedila učestvovali su: Hakan Varan, Dragan Marković, Andrija Svatok, Nedžad Jusić, Velibor Kuvač, Mladen Radmilović, Dejan Piotrovski, Marija Grbić i Jovanka Manzalović-Šalaka.

Nakon rasprave, **jednoglasno je prihvaćeno** da se posjete organiziraju u skladu s logističkim i finansijskim mogućnostima, te da će se prvo organizirati posjeta Doboju 26. 9. 2018. Također, zaključeno je da se istom prilikom organizira i redovna sjednica Vijeća. Za organizaciju posjete zaduženi su zaposleni u Uredu Zajedničke komisije za ljudska prava i Dragan Marković, član Vijeća. Dogovoreno je i da će se mjesto i vrijeme sljedeće posjete odrediti na narednoj sjednici Vijeća, uz načelni prijedlog Jakoba Fincija da to bude Sarajevo.

Ad. 4. Razno

- Informacija o odgovoru Ministarstva pravde BiH u vezi s aktom Vijeća nacionalnih manjina BiH, broj: 05/7-50-13-218-38/18

Nakon rasprave, u kojoj su učestvovali: Tihomir Knežiček, Davor Ebner, Marija Grbić i Nedžad Jusić, Informacija Ministarstva pravde BiH **jednoglasno je primljena k znanju**.

- **Informacija o službenoj posjeti Mađarskoj**

S obzirom na to da Eva Pašić-Juhas, kao kontakt-osoba, nije prisustvovala sjednici, članovi Vijeća zadužili su zaposlene u Uredu Zajedničke komisije za ljudska prava da u kontaktima s gđom Juhas članovima Vijeća dostave informaciju o mogućnosti realiziranja posjete Mađarskoj, kako bi se na vrijeme mogla donijeti odluka o eventualnoj promjeni mjesta posjete.

- **Informacija Ministarstva za ljudska prava i izbjeglice BiH o rezultatima raspodjele grant sredstava**

Predstavnica Ministarstva za ljudska prava i izbjeglice BiH Aleksandra Jarić informirala je članove Vijeća nacionalnih manjina BiH da je Vijeće ministara BiH usvojilo Odluku o dodjeli grant sredstava Ministarstva za ljudska prava i izbjeglice BiH. Što se tiče grant sredstava, naglasila je da je podršku dobilo 18 udruženja nacionalnih manjina u BiH u iznosu od 150 000 KM.

Sjednica Vijeća nacionalnih manjina BiH završena je u 14 sati.

Sastavni dio Zapisnika je tonski snimak 40. sjednice Vijeća nacionalnih manjina BiH.

Predsjedavajući
Vijeća nacionalnih manjina BiH
Prof. dr. Tihomir Knežiček